

Is-grŵp Cyllid Cyngor Partneriaeth Cymru - Cofnodion

Dydd Iau, 13 Mawrth 2025 10:00-11:30 MS Teams

Yn bresennol

Gweinidogion Llywodraeth Cymru

Jane Bryant AS, Ysgrifennydd y Cabinet dros Lywodraeth Leol a Thai –
Cadeirydd

Mark Drakeford AS, Ysgrifennydd y Cabinet dros Gyllid a'r Gymraeg

Cymdeithas Llywodraeth Leol Cymru

Y Cyng. Andrew Morgan (Rhondda Cynon Taf)

Y Cyng. Paul Griffiths (Mynwy)

Y Cyng. Mark Pritchard (Wreccsam)

Y Cyng. Darren Price (Sir Gaerfyrddin)

Y Cyng. Lis Burnett (Bro Morgannwg)

Y Cyng. Charlie McCoubrey (Conwy)

Y Cyng. Deborah Davies (Casnewydd)

Swyddogion Cymdeithas Llywodraeth Leol Cymru/ Llywodraeth Leol

Dr Chris Llewelyn – Prif Weithredwr, CLILC

Jon Rae – Cyfarwyddwr Adnoddau, CLILC

Jane Thomas (Powys) – (Prif Swyddog Cyllid) Ysgrifennydd SWT

Nathan Gardner – Rheolwr Cyllid

Lisa Haywood – Swyddog Polisi Cyllid (Refeniw a Budd-daliadau)

Swyddogion Llywodraeth Cymru (ac eithrio arsylwyr)

Rory Powell – Ysgrifennydd Preifat

Nia Webb – Ysgrifennydd Preifat

Stephanie Wood – Ysgrifennydd Preifat

Martha O'Neil – Cynghorydd Arbennig

Judith Cole – Dirprwy Gyfarwyddwr, yr Is-adran Polisi Cyllid a Chynaliadwyedd
Llywodraeth Leol

Emma Smith – Polisi Cyllid a Chynaliadwyedd Llywodraeth Leol

Freya Gregory – Polisi Cyllid a Chynaliadwyedd Llywodraeth Leol – (Cofnodwr)

Ymddiheuriadau

Y Cyng. Rob Stewart (Abertawe)

Y Cyng. Anthony Hunt (Torfaen)

Y Cyng. Dimitri Batrouni (Casnewydd)

David Holloway-Young – Prif Swyddog Cyllid, Comisiynydd Heddlu a Throseddu
De Cymru

Reg Kilpatrick – Cyfarwyddwr, Llywodraeth Leol a Chynllunio

Eitem 1: Croeso a Chyflwyniadau

1. Diolchodd Ysgrifennydd y Cabinet dros Lywodraeth Leol a Thai i'r aelodau am fod yn bresennol. Cytunodd y grŵp i dreialu defnyddio Microsoft Copilot i ddrafftio cofnodion y cyfarfod hwn gyda phrawfddarllen trylwyr gan swyddogion.

Eitem 2: Cofnodion a materion sy'n codi o'r cyfarfod blaenorol

2. Cytunodd y grŵp ar gywirdeb y cofnodion o'r cyfarfod blaenorol gan nodi bod y ddau gam gweithredu o'r cyfarfod blaenorol wedi'u cwblhau.

Eitem 3: Diweddariad gan Ysgrifennydd y Cabinet dros Lywodraeth Leol a Thai

3. Nododd Ysgrifennydd y Cabinet dros Lywodraeth Leol a Thai fod y gyllideb derfynol yn cynnwys £8.24 miliwn yn ychwanegol i sicrhau cyllid gwaelodol o 3.8% yn y setliad terfynol, gan ddarparu cymorth ychwanegol i naw awdurdod lleol ledled Cymru. Yn ogystal, dyrannwyd cyfalaf o £5 miliwn i'r grant gwres carbon isel ar gyfer gwasanaethau hamdden. Roedd mân newidiadau wedi bod rhwng y setliad drafft a'r setliad terfynol, gan gynnwys cynnydd o £145,000 i ardollau Parciau Cenedlaethol a diweddariadau i ddata model y Gronfa Cyfalaf Cyffredinol.
4. Croesawodd y Cyng. Paul Griffiths y cyllid gwaelodol o 3.8% a oedd yn cefnogi gallu Sir Fynwy i bennu cyllideb a nododd fod hyn, ynghyd â'r cyllid ychwanegol ar gyfer gofal cymdeithasol, yn caniatáu i'r Cyngor bennu cyllideb a gafodd dderbyniad cymharol dda.
5. Dywedodd Ysgrifennydd y Cabinet dros Lywodraeth Leol a Thai y byddai'n ailddyrrannu arian (o leiaf £24m) o'i MEG i ddarparu cyllid ychwanegol i'r awdurdodau lleol yn y flwyddyn ariannol bresennol i gefnogi pwysau, gan gynnwys gofal cymdeithasol a digartrefedd. Mewn ymateb i'r Cyng. Darren Price, cadarnhaodd Judith Cole ac Emma Smith y gellid defnyddio'r cyllid yn ystod y flwyddyn yn hyblyg o fewn y rhaglen waith ddiffiniedig ar gyfer gofal cymdeithasol.

Eitem 4: Diweddariad gan Ysgrifennydd y Cabinet dros Gyllid a'r Gymraeg ar Adolygiad Gwariant Cymru a Chynllun Peilot Dyledion y Dreth Gyngor

6. Nododd Ysgrifennydd y Cabinet dros Gyllid a'r Gymraeg y trefniadau ar gyfer adolygiad gwariant Llywodraeth Cymru a fyddai'n gysylltiedig ag ymarfer y DU, ond heb fod yn ddibynnol arno (i'w gyhoeddi ar 11 Mehefin). Byddai'r adolygiad yn cynnig cyfleoedd i reoli'r gyllideb dros orwel tymor canolig, gyda llywodraeth bresennol y DU yn bwriadu ailadrodd yr ymarfer hwn bob dwy flynedd. Roedd adolygiad gwariant Llywodraeth yn anelu at:
 - archwilio sut y mae arian yn cael ei wario, yn enwedig ar uchelgeisiau trawsbynciol sy'n gofyn am gydweithio ar draws portffolios Llywodraeth Cymru a chyda phartneriaid.

Cyfarfod yr Is-grŵp Cyllid – 13 Mawrth 2025 - Cofnodion

- symud gwariant tuag at atal, gan fuddsoddi mewn amodau sy'n creu llwyddiant yn hytrach na delio â chanlyniadau methiant.
7. Tynnodd Ysgrifennydd y Cabinet dros Gyllid a'r Gymraeg sylw at bwysigrwydd cynyddu'r sylfaen refeniw yng Nghymru. Yn ogystal â thrafodaethau â Llywodraeth y DU am y fframwaith cyllidol, roedd yn awyddus i archwilio gyda llywodraeth leol ffyrdd o gynyddu llif refeniw i'r awdurdodau lleol. Er enghraifft, fe roddodd yr wybodaeth ddiweddaraf am y Bil ardoll ymwelwyr newydd a fyddai'n symud at Gam dau yn nhymor yr haf. Nod hyn oedd creu pwerau syml a defnyddiol i helpu'r awdurdodau i ymateb i'r costau a gynhyrchir gan dwristiaeth, yn enwedig mewn ardaloedd â nifer uchel o ymwelwyr ac i fuddsoddi yn y diwydiant twristiaeth lleol.
 8. Rhoddodd Ysgrifennydd y Cabinet dros Gyllid a'r Gymraeg yr wybodaeth ddiweddaraf am gynllun peilot achub dyledion cymedrol ar gyfer 2025-2026 i gynorthwyo pobl a oedd wedi disbyddu'r holl gymorth sydd ar gael i dalu eu treth gyngor. O dan y cynllun peilot bydd undebau credyd yn prynu dyled y cyngor sy'n ddyledus gan unigolion, gan ganiatáu i'r cyngor gael yr arian yn llawn. Byddai'r undebau credyd yn trefnu cynllun ad-dalu hawdd ei reoli i erydu'r ddyled a rhoi arian mewn cynilion, gan ganiatáu credyd drwy'r undeb credyd yn y dyfodol. Cadarnhaodd y byddai Llywodraeth Cymru yn tanysgrifennu'r ddyled a ysgwyddwyd gan yr undebau credyd. Y nod oedd troi cylch negyddol o ddyled yn un cadarnhaol, gan ddarparu offeryn newydd i'r awdurdodau lleol helpu'r rhai nad ydynt yn gallu talu eu treth gyngor. Diolchodd i'r awdurdodau sy'n cymryd rhan yn y cynllun peilot (Casnewydd, Merthyr Tudful a Blaenau Gwent) a allai fod ar gael yn ehangach os bydd yn llwyddiannus. Roedd yn ddiolchgar am gyfraniadau'r awdurdodau at drafodaethau ar y dreth gyngor a dyled NDR a sut i wella gallu'r awdurdodau lleol i helpu'r rhai nad ydynt yn gallu talu a chryfhau eu safiad yn erbyn y rhai sy'n dewis peidio â thalu'r biliau hyn a oedd yn ariannu gwasanaethau hanfodol.
 9. Ar gyfer Llywodraeth Leol, croesawodd y Cyng. Charlie McCoubrey yr ymagwedd at bob maes a amlygwyd, yn enwedig yr elfen ataliol. Nododd ef a'r Cyng. Griffiths fod y GIG wedi cynyddu o 34% i 50% o gyllid Llywodraeth Cymru, a thynnodd sylw at rôl yr awdurdodau lleol o ran atal rhywfaint o'r angen am hyn drwy gadw pobl yn iach gartref. Enghreifftiau eraill oedd rôl clybiau ieuenctid ac ymgysylltu â'r gymuned, canolfannau hamdden a gwasanaethau amgylcheddol. Roedd cyllid ar gyfer y rhain wedi cael ei wasgu'n dynn dros y degawd diwethaf.
 10. Cododd y Cyng. Griffiths bryderon am orddibyniaeth ar incwm y dreth gyngor i ariannu gwasanaethau cyhoeddus, gan nodi, er enghraifft, fod 60% o wasanaethau cyhoeddus Sir Fynwy yn cael eu hariannu gan y dreth gyngor a 40% gan grant. Adeg datganoli, roedd cyfraddau'r dreth gyngor yn Sir Fynwy wedi bod 25-30% yn is na siroedd cyfagos yn Lloegr ond roedd y bwlch hwnnw bellach wedi cau'n llwyr. Roedd pryderon bellach y gallai tai cyfatebol gael eu trethu'n fwy yng Nghymru nag yn Lloegr.

Cyfarfod yr Is-grŵp Cyllid – 13 Mawrth 2025 - Cofnodion

11. Cytunodd Ysgrifennydd y Cabinet dros Gyllid a'r Gymraeg yn cytuno â phwysigrwydd gwariant ataliol ar ôl dros ddegawd o gyni. Roedd yn gobeithio y byddai Llywodraeth Cymru yn gallu ailgyfeirio gwariant yn raddol tuag at wasanaethau ataliol drwy'r adolygiad gwariant. Byddai hon yn broses barhaus fel y byddai gwneud penderfyniadau yn arddel persbectif hirdymor sy'n mynd y tu hwnt i'r amserlen a bennwyd gan Lywodraeth y DU. Nododd fod hyn hefyd yn golygu bod y sector cyhoeddus yn gorfod ailfeddwl sut yr ymdrinnir â'r galw, i ateb y galw mewn ffyrdd eraill.
12. Roedd Ysgrifennydd y Cabinet dros Gyllid a'r Gymraeg yn gwerthfawrogi pryderon y Cyng. ynghylch dibyniaeth ar gynyddu cyfraddau'r dreth gyngor ac y gallai'r bwloch sy'n lleihau rhwng cyfraddau'r dreth gyngor yng Nghymru a Lloegr fod yn destun pryder. Anogodd bo awdurdod lleol i archwilio dulliau posibl o godi arian y tu allan i'r dreth gyngor, megis yr ardoll ymwelwyr.
13. Croesawodd y Cyng. Andrew Morgan y dull gweithredu o ran yr ardoll ymwelwyr sy'n caniatáu i'r awdurdodau lleol benderfynu ar eu hanghenion eu hunain mewn perthynas â thwristiaeth. Nododd hefyd ei fod yn credu y dylai siopau y tu allan i'r dref dalu mwy o ardrethi i alluogi ardrethi ar gyfer canol trefi i gael eu gostwng. Mynegodd ef a'r Cyng. McCoubrey bryder am yr amser yr oedd yn ei gymryd i newid ffioedd a thaliadau, pan fydd awdurdodau lleol wedi nodi meysydd ar gyfer taliadau uwch, er enghraifft, ffioedd cynllunio a gofal cartref. Tynnodd y Cyng. McCoubrey sylw at yr arbedion y gallai defnyddwyr gofal cartref eu gwneud wrth symud o Loegr i Gymru. Roeddent yn galw am ddull symlach o gynyddu ffioedd ac a allai partneriaeth o awdurdodau neu fethodoleg Cymru gyfan fod yn fuddiol.
14. Cytunodd Ysgrifennydd y Cabinet dros Lywodraeth Leol a Thai y dylid cofnodi'r pwyntiau a godwyd gan y Cyng. Morgan a'r Cyng. McCoubrey yn yr adolygiad gwariant, er enghraifft drwy ystyried awtomeiddio pennu ffioedd er mwyn lleihau'r baich gweinyddol bob tro y cânt eu hailaddasu. Tynnodd sylw at allu Cymru i gymhwyso lluosydd NDR gwahaniaethol o 1 Ebrill. Roedd hyn wedi caniatáu i Loegr godi cyfraddau gwahanol o NDR ar siopa y tu allan i'r dref a byddai bellach yn bosibl yng Nghymru.
15. Wrth adael y cyfarfod, diolchodd Ysgrifennydd y Cabinet i'r grŵp am y drafodaeth.

Eitem 5: CLILC: Pennu cyllideb 2025-26 a'r rhagolygon ar gyfer y tymor canolig

16. Crynhôdd y Cyng. Andrew Morgan y gwaith o bennu cyllidebau ledled Cymru. Roedd yr holl awdurdodau wedi pennu cyllidebau, gyda chynnydd yn y dreth gyngor yn amrywio o 4.5% i 9.5%, sef cynnydd cyfartalog o 7.2%. Awgrymodd ei bod yn debygol y byddai diffyg o £40miliwn o hyd er gwaethaf hyn a chyllid ychwanegol oddi wrth Lywodraeth Cymru. O gofio'r arbedion effeithlonrwydd a wnaed eisoes, byddai disgwyl i hyn olygu mwy o doriadau i wasanaethau. Roedd yn cydnabod y cyllid o £52 miliwn sydd i'w groesawu'n fawr ar gyfer pwysau gan gynnwys effaith cytundeb cyflog NJC a oedd wedi'i seilio ar linell sylfaen.

Cyfarfod yr Is-grŵp Cyllid – 13 Mawrth 2025 - Cofnodion

17. Tynnodd y Cyng. sylw at effaith codiadau cyflog. Er bod Llywodraeth Leol bob amser am allu gwobrwyo ei gweithlu'n deg, byddai hawliad yr Undebau am gynnydd o £3,000 o leiaf i bob gweithiwr yn anfforddiadwy.
18. Nododd y Cyngorydd Morgan fod 30 o awdurdodau lleol yn Lloegr bellach wedi ceisio cymorth ariannol eithriadol ac roedd yn falch o ychwanegu, er gwaethaf y pwysau cynyddol ar yr awdurdodau lleol, nad oedd unrhyw awdurdod yng Nghymru yn y sefyllfa honno. Er hynny, nododd fod hyn yn peri pryder mawr i rai awdurdodau ac amlygodd bwysigrwydd deialog reolaidd drwy drafodaethau'r grŵp hwn neu gyfarfod penodol i ddeall effaith adolygiad gwariant llywodraeth y DU a bwydo safbwyntiau llywodraeth leol i adolygiad gwariant llywodraeth Cymru. Roedd angen i'r awdurdodau lleol gael amser i ganiatáu ar gyfer cynllunio ac ymgysylltu digonol â thrigolion.
19. Rhoddodd y Cyngorydd Morgan ADY fel enghraifft o wasanaethau y dylid eu hystyried yn benodol oherwydd galw uchel a chostau uchel. Er bod cefnogaeth i egwyddorion y bil ADY, roedd wedi codi disgwyliadau na allai'r awdurdodau lleol eu bodloni.
20. Pwysleisiodd y Cyng. Mark Pritchard a'r Cyng. McCoubrey bryderon ymhellach am ADY a phwysau eraill. Nid oedd codiadau sylweddol pellach yn y dreth gyngor yn ymarferol yn wleidyddol a byddai rhaid i awdurdodau dorri'n ôl i wasanaethau statudol. Fe wnaethant fynegi eu pryderon am degwch y fformiwla gyllido rhwng awdurdodau'r Gogledd a'r De.
21. Diolchodd Ysgrifennydd y Cabinet dros Lywodraeth Leol a Thai i'r grŵp am y trafodaethau hyn ac adleisiodd bwynt y Cyng. Morgan fod cyfathrebu'n gynnar ag awdurdodau lleol yn bwysig yn y broses adolygu gwariant a mecanweithiau cynllunio ariannol ehangach.

Eitem 6: Lleihau'r baich gweinyddol ar ALLau - Diweddariad

22. Rhoddodd Ysgrifennydd y Cabinet dros Lywodraeth Leol a Thai yr wybodaeth ddiweddaraf am y gwaith i leihau'r baich gweinyddol ar yr awdurdodau lleol, gan nodi bod cyllid grant sy'n gysylltiedig â digartrefedd wedi'i drosglwyddo i'r setliad a'r gwaith parhaus ar grantiau trafndiaeth i sicrhau bod newidiadau yn cyd-fynd â ffyrdd rhanbarthol newydd o weithio. Roedd y Cabinet wedi cytuno ar archwiliad dwfn o chwe grant i asesu costau ac adnoddau prosesu yn yr awdurdodau lleol a Llywodraeth Cymru. Gofynnodd i'r awdurdodau lleol ystyried grantiau y gellid eu cynnwys yn ddefnyddiol ac i roi adborth ar fanteision newidiadau a wnaed i'r grantiau addysg ddwy flynedd yn ôl.
23. Esboniodd Ysgrifennydd y Cabinet dros Lywodraeth Leol a Thai fod y gwaith hwn yn rhan o drafodaethau strategol ehangach ar sut y mae Llywodraeth Cymru a'r awdurdodau lleol yn cydweithio. Byddai hyn yn cael ei drafod yng nghyfarfod Cyngor CLILC ar 28 Mawrth.

Cyfarfod yr Is-grŵp Cyllid – 13 Mawrth 2025 - Cofnodion

24. Pwysleisiodd yr Aelodau yr angen am ymrwymiad ar draws y Cabinet i'r gwaith hwn. Ni ddylid hybu grantiau newydd lle y gellid ychwanegu cyllid at grant presennol neu ei ddosbarthu drwy'r Grant Cynnal Refeniw. Ni ddylid lleihau grantiau a drosglwyddwyd i'r Grant Cynnal Refeniw. Roedd angen mwy o gysondeb rhwng adrannau ar lefel y gwaith a'r archwilio sy'n gysylltiedig â cheisiadau cyllid i wella'r cydbwysedd rhwng yr adnodd o dan sylw ac atebolrwydd priodol. Nododd y Cyng. Griffiths fod ymgeisio cystadleuol am grantiau cyfalaf untro yn fater arwyddocaol a bod hyn wedi'i eithrio o'r rhaglen waith hon hyd yn hyn.
25. Diolchodd Ysgrifennydd y Cabinet dros Lywodraeth Leol a Thai i'r grŵp am yr adborth ar yr eitem hon ac ymrwymodd i rannu'r gwaith hwn gyda'r cabinet i wella'r cysondeb ar draws adrannau.

Eitem 7: Rhaglen Waith Ddrafft yr Is-grŵp Dosbarthu

26. Cyflwynodd Judith Cole y flaenraglen waith, gan dynnu sylw at y ddwy eitem flaenoriaeth uchaf sef cyflawni setliad blynyddol llywodraeth leol yn llwyddiannus, a pharhau â'r gwaith i adolygu'r elfennau o'r fformiwla ariannu y cytunwyd arnynt, gan gynnwys, addysg, gofal cymdeithasol, teneurwydd y boblogaeth ac amddifadedd. Roedd Judith yn falch o rannu bod aelod ychwanegol o staff llawn amser wedi'i sicrhau i ymgymryd â'r gwaith hwn ar ôl y Pasg.
27. Nododd Judith fod hyd presennol y rhaglen i'w briodoli i ansicrwydd ynghylch lefel y data sydd ar gael ar hyn o bryd. Pe na bai angen casglu data ar wahân, byddai hyn yn lleihau'r amser y mae ei angen.
28. Gan y byddai disgwyl i effeithiau diweddarau gwahanol IBAs fod yn wahanol rhwng awdurdodau, cadarnhaodd mai'r bwriad oedd gweithredu'r adolygiadau arfaethedig i'r fformiwla mewn un newid.
29. Diolchodd y Cyng. Darren Price i Judith am y gwaith sy'n cael ei wneud. Gofynnodd ef ac aelodau eraill i'r adolygiad i gadw mewn golwg y cydbwysedd cyllid rhwng awdurdodau gwledig a threfol. Nododd yr Aelodau yr angen i ddeall goblygiadau data poblogaeth a mynegi pryder bod addasrwydd data am brydau ysgol am ddim yn cael ei ddefnyddio yn y setliad fel mesur o amddifadedd. Gwnaethant ofyn nad oedd ystyriaeth yn gyfyngedig i ddiweddarau'r data am ddangosyddion presennol ond yn ystyried yr angen am ddangosyddion newydd a'r pwysoli a ddefnyddir. Croesawodd y Cyng. Andrew Morgan y gwaith sy'n mynd i mewn i'r adolygiad o'r fformiwla a gofynnodd i'r grŵp ystyried sut y gellid rheoli 'gorddi' y'n cael ei greu gan yr adolygiad o'r fformiwla i sicrhau y gellir defnyddio'r data diweddaraf a gorau heb achosi ansefydlogrwydd i'r awdurdodau yr effeithir arnynt. Er enghraifft, ystyried graddoli neu ddefnyddio cyfartaleddau.

Cyfarfod yr Is-grŵp Cyllid – 13 Mawrth 2025 - Cofnodion

30. Adleisiodd y Cyng. Paul Griffiths gefnogaeth i'r gwaith a'r adnodd ychwanegol. Pwysleisiodd yr angen am gyfathrebu i hyrwyddo'r gwaith a'r gwaith blynyddol parhaus i gefnogi aelodau i esbonio rhesymeg yr effeithiau ar eu hawdurdodau.
31. Dywedodd Judith fod angen bwrw ymlaen â gwaith ar ddata am brydau ysgol am ddim mewn cydweithrediad ag adrannau eraill sydd hefyd yn dibynnu ar hyn fel dangosydd amddifadedd. Cadarnhaodd nad oedd y gwaith wedi'i gyfyngu i'r data a ddefnyddir ar hyn o bryd, ac y bydd pwysoliadau'n deillio o gydnawsedd y data mwyaf addas â gwariant awdurdodau lleol. Sicrhaodd Judith y grŵp y byddai ymgynghori â'r Is-grŵp Cyllid ar yr opsiynau sy'n ymwneud â'r dangosyddion hyn ac ar reoli effeithiau cyffredinol gweithredu unwaith y cytunir arnynt. Byddai cyfleu'r gwaith hwn i'r awdurdodau yn hanfodol a byddai angen cynnwys swyddogion yn y meysydd gwasanaeth.
32. Diolchodd Ysgrifennydd y Cabinet dros Lywodraeth Leol a Thai i Judith a thîm y setliad am eu gwaith ar hyn gan ddiolch i'r grŵp am ei adborth drwy gydol y cyfarfod, gan dynnu sylw at yr angen i gyfathrebu cynnar fod yn thema drwy'r holl eitemau a drafodwyd.

Eitem 8: Unrhyw faterion eraill

33. Ni chodwyd unrhyw fater arall.